

اسلامك نفعنه خادام مقالات
مم الت شكر قبول ونشر اولونور

دینی، علمی، ادبی، اجتماعی

اداره خانه سی :
بایزید جامع شریفنک تربہ قاپسی
قارشینسندہ

مرکز توزیعی :
باب عالی جاده سندہ (اتحاد
تجارت) کتب خانہ سی

آبونه بدلی :
سنہ لکی ۱۰۰ غروش
آلتی آیلنی ۵۰
ملک اجنبیہ ایچین ۲۵ غرش ضم
اولونمالیدر .

مخبر

۱۳۳۸

بجای محمد اسحاق فیروز

یازانک شخصیتی دکل، یازینک ایمیث
نظر دقتہ آیلنیر .

کلن یازیلردن شایان قبول کورولنلر
تأویح میراسیلہ دوچ ایدیلیر .

کوندہ ریلہ جک آثار ، اوقوناقلی
وختصر جہ یازیلشر، اولمالیدر .

صاحبی ، مدیری ، محرری :

آبونه قیدی معاملہ سی هر سنہ نك بونجی
وايكنجی آلتی بندن اعتباراً اجرا اولونور

فی: غروش

جمادی الاخرہ

۱۰

۱۳۴۲



جلد

عدد

۴

۴۴

نشری اعلان ایدیلهدیکی و مطبوعات طرفندن لایقی وجهله بحث اولونمادینی ایچین انتشارندن مسلمان قارئلرک خبردار اولامادینی بومهم اثر، استانبولده باب عالی یوقوشنده کائن کتبخانه حلمی ده ساتیلورمش.

الکلمات المجمله فی شرح التحفة المرسلة

سودلیجه درگاه شریفی پوست نشین حقایق عریفی شیخ محمدالیف اقدی حضرتلری طرفندن بو عنوان ایله بر اثر نشر ایدیلشدر. اثرک اصلی هندمشایخندن (محمد بن فضل الله البرهان پوری) نک تألیفی بر رساله عربیه اولوب موضوعی: علم حقایق و وحدت وجوددر. شیخ الیف اقدی حضرتلری سلیس برافاده ایله ترجمه و محققانه شرح ایله مشدر. باب عالی جاده سنده خطاط سعودالمولوی بکک یازمخانه سنده بولونویور. فی: ۳۰ غروش

تقسیم پرلر - مفسرلر

تأویل نصوص

بیضاوی مرحوم (یا ایها الناس اعبدوا ربکم الذی خلقکم والذین من قبلکم لعلکم تتقون الذی جعل لکم الارض فراشاً والسماء بناء وانزل من السماء ماء واخرج به من الثمرات رزقاً لکم) آیت جلیله سنی علوم ظاهره آلاتی واسطه سیله تفسیر و معنای ظاهریدن مهم امکان تعبیر و تقریر ایلد کدن صوکر دییورکه «اولیه امید ایدهرم که واجب الوجود حضرتلری شو کوستریلان الفاظک مدلولی بولونان معانی ظاهره بی بالذات قصد و اراده بیوردقدن صوکر خلق انسانیه و آنک اوزرینه افاضه بیوریلان معانی وصفاتک تفصیلنه اشارت بیورمش اولسون. شویله که: آیت جلیله ده بدن، تسفل و قبولده (ارض) ایله نفس، علم و فعلده (سما)

ایله. عقل، سبب حیات روحانی اولمقده بادی حیات جسمانی اولان (ماء) ایله و عقلک حواسی استعمالی و قوای نفسانیه و بدنیه نک یکدیگریله امتزاجی سایه سنده حاصل اولان فضائل علمیه و عملیه بی واجب الوجودک انسان اوزرینه افاضه سی، قوای سماویه ایله قوای ارضیه نک ازدواجیه بقدره الله تولد ایدن ثمرات ایله تمثیل و تصویره اشارت اولونمسی مستبعد دکدر.

بیضاوی مرحوم بونی اثبات و تأیید ایچین (اکل آیه ظهر و بطن) حدیثی در بیان ایدیور. عبدالحکیم سیالکوتی مرحوم، سیدالخواشی بولونان قاضی حاشیه سنده بو مقامه دائر یازدیغی ایضاحانده دیورکه:

«بیضاوینک شو سوزنده ملاحظه باطنیه بی جرح و ابطال وارددر. چونکه: اوکروه مکروه، اولیه ادعا ایدرلرکه نصوص قرآنیله نک ظواهری مراد دکدر. انسانلره وقوع بولان تکالیف، آنجق قرآنک معنای باطنیه سنه و قوف حاصل اولدیغی زمانلره منحصردر. یوقسه بر کیمسه بطون معانی به واقف اولدقدن صوکر آنک حقنده، نه تکلیف، نه جهنم، نه آخرت هیچ برشی یوقدر. بیضاوی ایسه (مع مادل علیه الظاهر) دیوب بر کره معانی ظاهره بی مدلول حقیقی و مقصود بالذات کوستر دکن صوکر معانی باطنه اشاریه بی حیز جوازده براقه برق عکسی ماجرای التزام ایدن باطنیه بی و سوزلرینی ابطال و جرح ایتمش اولیور. عبدالحکیم، بوندن صوکر حدیثک بعض مفرداتی ده ایضاح و یوقاریده بیان اولونان سیوطینک اقاویلنه ده حواله ایدیورسده بروجه آتی اواقی جهتی کندی انتخاب ایدیور:

(ظهر) قرآنک معانی ظاهره سی (بطن)

ماده لری مدار انتقاد اولق اوزره کوسترین کتابک ایچنده سراپا هذیان و بلکه اعتقادی کفر و طغیان اولان نیجه ماده لر داهای واردرکه آشاییده بونلرک هپسنه دائر معلومات ویریه جکدر اقدام .

جودت

«حضرت قرآن»، تفسیر فصل یازیلیدر ؟
سوره حدیدک قرائتله مشرف بولنانلردن معنای کلام الاهی جزئیجه اولسون آکلایانلر، «وانزلنا الحدید فیه بأس شدید و منافع للناس» آیت کریمه سی قارشوسنده بر از توقف ایدرلر و یا ایتمه لری لازم کلیر ! زیرا جانب باری بو آیت جلیله ده «انزلنا» بیورهرق «خلقنا» دیمه مشدر ...

بو کیفیت، علمای سالفه نك دخی نظر دقتلرینی جلب ایدرک دورودراز مناقشاتی موجب اولمش و بالطبع بر جوق ده تأویلاته میدان آچیلمشدر ! تفاسیر موجودیه کوره ؛ حضرت قرآن احکام شرعیه یی بیان بیورمق صورتیه بشریته فصل طوغری یولی کوسترمش ایسه، دمیردخی بو طوغری یولی محافظه یه مخصوص اسلحه حربیه انقلاب ایتدیکنندن، فرقان مین ایچون «شهر رمضان الذی انزل فیه القرآن» آیتده کی «انزل» کلمه سی کی دمیرده دخی عین فعل تکرار بیورلمش ایمش ! .. یعنی بو وجهله معدن مذکوره دخی بر قیمت اضافیه و معنویه ویرلمش دیمک اولور ! .. تأویلات معقوله نك الکبیری بو ایسه ده، «انزلنا» ایچون بو نقطه نظر، حقایق عالیهدن مع التأسف جوق اوزاقدرا ! پک زیاده شایان دقتدرکه ؛ بالذات قرآن عظیم الشان کنیدی حقه ده «ولارطب ولا یابس الا فی کتاب مبین» دیدیکی و بونک معنای ایسه : «یاش و قورو، یعنی هر درلو اساسات دینی، علمیه و فیه کتاب میننده موجوددر»

معانی خفیه سی، یعنی بر درجه یه قدر اعمال فکر ونظره محتاج اولانی (مطلع) اطلاع دیمکدرکه اهل و آربانی او محل مبارکه چیقارق قرآنک حقنی ویرلر . معنای ظاهرک محل اطلاعی علوم صریبه ده تدرب و تمرن، ناسخ، منسوخ، مطلق، مقید، مجمل، مآول کی ینه معانی ظاهره نك موقوف علیهی اولان مقدماتی تعقیب و تبعدر. باطنک محل اطلاعی ایسه تصفیة درون و تخلیه قلبدر .

عبدالحکیمک شو تحقیقی کورنلر، یوقاریده اجله طرفندن تشریح مغزای حدیث خصوصنده درمیان اولونان بر جوق اقواله رغماً حالا اضطراب دروندن قوریتله مدقلری حاله بونی کورو نیجه تسکین عطش عرفان ایتدکلرندن طولایی هندستانک اشبو الک بیوک عالمه «عشق اولسون ای بیوک آدم ! نه یوکسک دماغه مالک ایمشسک» دیمکدن کندیلرینی آله مازلر .

مثنوی جلد ثالث :

حرف قرآن را بدانکه ظاهر است
زیر ظاهر باطنی بس قاهر است
زیر آن باطن یکی بطن سوم
که درو گردد خردها جمله گم
بطن چارم از بی خود کس ندید
جز خدای بی نظیر و بی ندید
نور قرآن ای پسر ظاهر مین
دیو آدم را نه بیند جز که طین
ظاهر قرآن چو نقش آدمیست
که نقوشش ظاهر و جانش خفییست

برغمی جودت

غازی عینتابده مدرس عبدالله ادیب افندی
حضرتلرینه :
تفسیر دییه نشر ایدیلن و طرفکزدن بعض